



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
Fax: 981 886 616
correo@concellodabana.gal
www.concellodabana.gal

ACTA Nº 2022/7

SESIÓN EXTRAORDINARIA DO PLENO DA CORPORACIÓN

Lugar: Salón de Plenos da Casa Consistorial –presencial sen público

Data: xoves 30 de xuño de 2022

Hora de comezo: 20:20 horas en primeira convocatoria

Hora de remate: 20:45 horas

Enlace acta dixital: <https://www.youtube.com/watch?v=yoGturPjCes>

ASISTENTES:

Alcalde:

José Andrés García Cardeso (PP)

Concelleiros:

José Manuel Landeira Liñares (PP)

Alicia Blanco Sande (PP)

María Rosa Ramos Freita (PP)

Francisco Pérez Redondo (PP)

José Antonio Pereira Gil (PSdeG-PSOE)

Mónica González Blanco (PSdG-PSOE)

Jesús Manuel Pena Varela (PSdG-PSOE)

Ana Paramos Cebey (PSdG-PSOE)

César Ramos Domínguez (CxG)

Lorena Trillo López (CxG)

AUSENTES

Non hai ausentes

Actúa como secretario do Pleno o secretario-interventor da Corporación, Ricardo Garrido Caneda.

Constitúese o Pleno da Excelentísima Corporación en sesión EXTRAORDINARIA DE URXENCIA conforme á convocatoria e segundo a orde do día que se remitiu aos concelleiros coa antelación legalmente requirida.



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
Fax: 981 886 616
correo@concellodabana.gal
www.concellodabana.gal

ORDE DO DÍA

1. Votación/ratificación sobre a urxencia da convocatoria do Pleno.

O Sr. alcalde pide desculpas pola tardanza no comezo desta sesión plenaria. Seguidamente explica o motivo da celebración desta sesión extraordinaria e urxente e explica que antes de tratar o punto da orden do día hai que proceder á votación da ratificación sobre a urxencia da convocatoria deste Pleno.

Sometido a votación a ratificación da urxencia da convocatoria, esta resulta aprobada por unanimidade dos concelleiros e concelleiras asistentes.

2. Posición do Pleno do Concello da Baña en relación coa declaración de utilidade pública do parque eólico de Troitomil.

O Sr. alcalde: “O pasado luns houbo unha roda de prensa e algunha xuntanza con algunhas plataformas, anteriormente xa tivéramos unha reunión coas dúas plataformas para recoller e coordinar unha serie de peticións e coordinar un pouco os puntos onde facer a incidencia para facer esta declaración institucional e o posicionamento por parte da Corporación. Seguidamente procede a dar lectura á declaración institucional que deseguido se transcribe”:

“DECLARACIÓN INSTITUCIONAL SOBRE A POSICIÓN DO CONCELLO DA BAÑA EN RELACIÓN COA DECLARACIÓN DE UTILIDADE PÚBLICA DO PARQUE EÓLICO DE TROITOMIL.

Expte. TEDEC: 2022/X998/000117 (Declaración Institucional).

Expte. TEDEC: 2022/G006/000494 (Proposta).

Expte. TEDEC: 2022/G012/000007 (Pleno).

O Concello da Baña aproba a seguinte declaración institucional na presente sesión plenaria co obxecto de amosar o rexeitamento público e total á declaración de utilidade pública do parque eólico de Troitomil así como á implantación e tramitación de todos os parques eólicos iniciados:

DECLARACIÓN INSTITUCIONAL SOBRE A POSICIÓN DO CONCELLO DA BAÑA EN RELACIÓN COA DECLARACIÓN DE UTILIDADE PÚBLICA DO PARQUE EÓLICO DE TROITOMIL.

“O pasado 16 de xuño de 2022, saíu publicado no Diario Oficial de Galicia e en La Voz de Galicia a información pública da declaración de utilidade pública do parque eólico de



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
Fax: 981 886 616
correo@concellodabana.gal
www.concellodabana.gal

Troitomil polo que lle queremos transmitir a nosa preocupación así como o rexeitamento público e total á implantación e tramitación de todos os parques eólicos iniciados.

Por todo isto, temos previsto:

1. Demandar formalmente a paralización do proceso de declaración de interese público do parque mentres a Consellería de Industria non dea contestacións ás anteriores alegacións e ás seguintes solicitudes presentadas e pendentes de aceptar:

- Petición á Consellería*
- Amparo á valedora.*

2. Solicitar unha reunión informativa, aberta á cidadanía, na que sexa o secretario do Concello o que nos informe dos pasos dados e do percorrido que temos por diante. É importante que sexa un técnico.

3. Presentar unha demanda de paralización da declaración de utilidade pública pola alteración significativa sobre o PXOM xa que de facto é unha alteración total sobre boa parte dos terreos e das construcións xa existentes.

4. Enviar o Concello unha solicitude de alegacións ás expropiacións da rede viaria.

5. Mandar unha solicitude de traslado á Deputación da Coruña para que faga o mesmo.

6. Profundar na alegación contra a partición dos parques. Hai novas sentenzas e hai que insistir en que non ter en conta que esas sentenzas sentan xurisprudencia, podería xerar demandas contra o funcionariado que as asinen.

7. Incidir en que a totalidade das infraestruturas do parque, incluídas as de evacuación da enerxía xerada, deberán estar incluídas para a súa consulta pública e avaliación global no presente documento de inicio e non noutros proxectos independentes que lle impiden á cidadanía a avaliación dos impactos ambientais globais do conxunto das infraestruturas do proxecto industrial.

8. Solicitarlle a Medio Rural documentación que acredite todos os incendios producidos nese monte durante os últimos 35 anos.

9. Insistir en que o Concello non ten capacidade para abastecer de auga potable a poboación afectada e, polo tanto, tratándose dun ben básico, faise inviable a declaración de utilidade pública xa que hai risco severo de que as obras afecten os



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
Fax: 981 886 616
correo@concellodabana.gal
www.concellodabana.gal

mananciais, o que supón unha afección moi severa e prexuízos significativos para os recursos hídricos e a vulneración flagrante da Directiva marco da auga (DMA).

Ademais non existe un estudo hidrolóxico e hidroxeolóxico que garanta a calidade das masas de auga superficiais e soterradas e a non afección dos acuíferos. A mercantil promotora obvia as captacións de auga para o uso humano e agrogandeiro e os mananciais e fontes que hai na poligonal do parque eólico e no traxecto da liña de evacuación.

10. Insistir en que hai unha forte alteración social e que polo tanto se demanda a paralización desta declaración de utilidade pública.

11. Solicitar unha reunión no Parlamento de Galicia co vicepresidente e co conselleiro de Industria, Francisco Conde para que o grupo de goberno vaia da man dos colectivos veciñais e trasladarlle a repulsa ao proxecto eólico de Troitomil.

12. Solicitar unha reunión con Valentín Formoso, presidente da Deputación, para que presente alegacións pola estrada O Seilán-Lañas e para que lle mostre o seu apoio ao Concello da Baña.

Co fin de colaborar coas persoas afectadas, o Concello da Baña ponse ao servizo da veciñanza, ata o 1 de agosto, para axudar a tramitar os escritos de alegacións coa finalidade de paralizar a implantación deste parque eólico de Troitomil nesta información pública e nos demais de Barrosino e Vilartoxo."

Por todo o exposto o Pleno da Corporación do Concello da Baña, adopta a seguinte DECLARACIÓN INSTITUCIONAL:

A Corporación Municipal do Concello da Baña, en Sesión extraordinaria e urxente, realizada o día 30 de xuño de 2022, acorda, por asentimento de todos os membros da Corporación, aprobar o rexeitamento do Concello da Baña á declaración de utilidade pública do parque eólico de Troitomil así como á implantación e tramitación de todos os parques eólicos iniciados".

O Sr. alcalde: "Isto que acabo de ler recolle as inxedanzas, as suxestións e propostas que os dous colectivos, tanto a Asociación de Veciños Outeiro como a Asociación Fontesecca para hoxe traer este manifesto a este Pleno para amosar o rexeitamento total a estes parques eólicos.



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
Fax: 981 886 616
correo@concellodabana.gal
www.concellodabana.gal

Estamos en contra desta situación porque estase vulnerando os dereitos dos veciños e veciñas posto que mentres no haxa ningún tipo de autorización non teñen porque andar alterando aos veciños.

Esperamos que paralicen o inicio de utilidade pública. Hai moitas modificacións que aínda non mandaron. A propia empresa pon en dúbida os informes da asesora xurídica, do técnico municipal, do secretario e do propio alcalde.

Pola miña parte quero mostrar todo o meu apoio e ofrecerlle todo o apoio aos veciños para que fagan as alegacións pertinentes. Onte tivemos unha reunión coa asesora xurídica, co secretario e co técnico, xa está elaborada unha alegación tipo, nesta alegación baixe a deixar un apartado para que os veciños que o consideren engadan algunha cuestión propia que lle incumba e a partir de aí darlle traslado aos organismos pertinentes".

O voceiro do grupo municipal do Partido Socialista, Sr. José Antonio Pereira Gil: "Esta declaración institucional ven sendo a continuidade a un rexeitamento total a unha implantación abusiva de parques eólicos no noso Concello e que quedou posto de manifesto no ano 2019 cando os alcaldes dos Concellos de Santa Comba, Mazaricos, Negreira, Outes, e eu como alcalde da Baña, asinamos a primeira declaración conxunta a prol dun desenvolvemento sostible e xusto de enerxía eólica nos territorios rurais.

Igual fixemos o pasado ano no Pleno do Concello da Baña do 28 de abril cunha declaración institucional a prol do Concello da Baña libre de parques eólicos. Do mesmo xeito, no Pleno do 6 de outubro, levamos de novo outra declaración institucional a prol dun desenvolvemento sostible e xusto na enerxía eólica nos territorios rurais.

O ano pasado, no momento de prestar alegacións a estes parques eólicos, o Concello da Baña puxo a disposición dos veciños bandos informativos, charlas, asesoramento técnico e xurídico, modelos de alegacións, todo o necesario para ter á veciñanza informada en todo momento. Solicitamos xuntanzas coa Consellería de Medio Ambiente e Industria ás que asistimos, eu como alcalde e unha representación das asociacións máis activas nesta loita. No proxecto do parque eólico de Troitamil, veciños e Concello presentaron preto de 800 alegacións, cifra que deixa máis que patente a oposición frontal a este proxecto. Se veciños e Concello non queremos estes muíños ao carón das nosas casas temos que seguir na loita, unha loita na quen non vale poñerse de perfil, que non vale dicir si e despois mirar para outro lado.

O Pasado día 17 presentamos un escrito solicitando que de carácter urgente se creara unha mesa de traballo na que se conte con todas as forzas políticas así como as



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
Fax: 981 886 616
correo@concellodabana.gal
www.concellodabana.gal

plataformas veciñais para facer fronte á instalación abusiva de parques eólicos no noso Concello. A súa resposta quedou resumida nun parágrafo onde di textualmente: “non intenten contaminar nin facer problemática neste tema”. Sr. alcalde, o problema está aquí, non o facemos nós, entre todos temos que resolvelo, agora vostede é o alcalde e vostede é quen ten que mover ficha e non calquera ficha. Non vale dicir que vai facer unha roda de prensa e que despois non veña nin un só xornalista, para iso é mellor estar quietos, non vale dicir que vai informar aos veciños cando o prazo para presentar alegacións comezou o día 17 e a día de hoxe aínda non se puxo ningunha información nas redes sociais do Concello para facer as alegacións. Fixéronse alegacións ás liñas de evacuación de Banzas?, creo que non, por iso, Sr. alcalde solicítolle que se tome en serio a nosa petición e se forme unha mesa de traballo o antes posible, que se cumpra todo o que acaba vostede de ler porque pode ser parte da solución a este problema e que solicite de carácter urxente, unha reunión co seu compañeiro de partido Sr. Rueda, presidente da Xunta de Galicia que é quen ten realmente capacidade para paralizar este atropelo no Concello da Baña”.

O tenente de alcalde, César Ramos: “Estamos hoxe aquí lendo esta declaración institucional porque sabemos todos e todas que isto é un problema de importancia capital, un auténtico despropósito. Estou moi de acordo con todo o que se di na carta. O Concello da Baña ten que estar a carón dos veciños e das veciñas, demandando que se fagan as cousas ben con respecto a este asunto para paralizar dunha vez por todas esta auténtica canallada que se está facendo cos veciños e veciñas da Baña. Os dereitos e dignidades dos veciños e veciñas están sempre por riba de todo, por iso o meu compromiso e o deste equipo de goberno é levar adiante cantas accións sexan necesarias para defender aos nosos veciños e veciñas así como defender os nosos dereitos e que se remate con esta auténtica canallada”.

O Sr. alcalde: “Non quero entrar en polémica porque é un debate que sobra no sentido en que temos que ir todos xuntos, porque a unión fai a forza e temos que facer todo o posible para atrancar, paralizar e facerlles ver que hai argumentos sostibles e sustentables neste tema. Onte falando coa asesora xurídica e co técnico démonos conta que hai que insistir, agora que estamos no período de alegacións, no tema da utilidade pública porque os camiños foron feitos na concentración parcelaria e agora poñelos en mans dunha empresa privada creo que non corresponde. Por iso temos que ser nos os que temos que velar polo Concello, tanto en temas de mananciais, petróglifos, mámoas ou calque tipo de medida medioambiental. Dende aquí poñemos a maquinaria a traballar e teremos que dar charlas nas parroquias onde van ter máis incidencia estes parques eólicos. Dende aquí podemos facer todo o posible para que isto cumpra co que se ten que facer na paralización administrativa. Xa viñeron algúns veciños a preguntar, foron á oficina técnica a pedir información. A principios de semana



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
Fax: 981 886 616
correo@concellodabana.gal
www.concellodabana.gal

colgarase un modelo tipo de alegacións. Entre todos e todas debemos poñer o gran de area para que isto non saia adiante. Isto é un trámite administrativo longo".

Unha vez finalizado o debate, o Pleno da corporación adopta a seguinte DECLARACIÓN INSTITUCIONAL, coa exposición de motivos indicada con anterioridade:

A Corporación Municipal do Concello da Baña, en Sesión extraordinaria e urxente, realizada o día 30 de xuño de 2022, acorda, por asentimento de todos os membros da Corporación, aprobar o rexeitamento do Concello da Baña á declaración de utilidade pública do parque eólico de Troitomil así como á implantación e tramitación de todos os parques eólicos iniciados.

Ás 20:45, por orde da Presidencia, levántase a sesión, da que se estende a presente acta, do que eu, secretario-interventor, dou fe.

O alcalde
José Andrés García Cardeso

O secretario-interventor
Ricardo Garrido Caneda

DOCUMENTO ASINADO ELECTRONICAMENTE.